

**Petra Bachinger, Lebenshilfe Schwarzach, Holzkreativgruppe
Medulin mit Sonnenschein**

Meine Wassergeschichte begann am 2. Juni 2013 um 8 Uhr 30.

Mei Mama hot mich aungruaf'n, dass sie wegen des Unwetters im Anfang Juni net mein Urlaubstrolly owafahn ko, noch Schwarzach, wei ba uns in Taxenboch, wo I ursprünglich dahoam bi, hot's bei der Katastrophe de gaunze Stroß'n valegt. Ois woa a poor Tog' g'sperrt und desweg'n hob i Angst g'hobt, dass I net mitfoahn ko, auf Urlaub.

Es is uns oba doch daun gelungen. Am Donnerstag hat'n mei Papa daun obagiefert, mein Trolly – oiso woa des fia mi a glückliches Happy End!

Daun hob I mit meiner Betreuerin, der Andrea, meine Urlaubssoch'n eipockt.

Am Reisetog haum ma gemeinsam g'frühstückt, schön gemütlich, und dann san ma losg'foahn!

Und um 15 Uhr, oiso um drei, woan ma daun unt'n in Kroatien, in Medulin an unserem Urlaubsziel!

Daun haum ma uns a bissl verirrt, wei ma nit glei' hing'fund'n haum, wei unsa Campingplatz woa ja so groß, jetzt haum ma nit glei hing'fund'n, jetzt haum ma a bissl umadam foahn miassn und schau.

Und do woas eigentlich gonz sche, in Kroatien!

Und ba mein schönst'n Urlaubsbild siach I mich in an Restaurant sitz'n und Miesmuscheln vor mia, was I grad iss.

Und mei süsser Sonnenschein sitzt neben mir – und er isst grad Spaghetti mit Tomatensauße und einen gemischten Salat - na, foisch - einen Putensalat!